

Коммунисттерин шунмгъа күүндвр

Сарпинск района «Сарпинский» совхозин эклц партийн организацин тооцана болн сунмгъврин хург болснд, коммунисттер шунмгъа күүндвр кедж, кōдлмштән бāāх-дуту дундиг илдкдж, кўцāх тодрха төрмүдән темдглцхāv.

Тооцана доклад кесн партбюрон сеглāтр үр Ефремов, со-
 эн джил кōдлмштән тем-
 дгā диилвр бāрсинь темдглв.
 Хаврин тārāнā зура 105 про-
 цēt кўцāгдсмн. Ик ургъц гар-
 ж авгдв. 16346 гектар тārā-
 нās гектар болгънась 11 шаху
 центнер буудя гарв. Государ-
 ствд 109504 центнер буудя ору-
 лдж өггдād, зура кесг холван
 давулдж кўцāгдв. Совхозин
 малнь өсджāнā, малас авдг
 шим-шўўсн элвджāнā.

Совхозин парторганизац. цуг
 коммунисттер олн-дунд кедг кō-
 длмшāн ясерулдж, бўрдмджин
 нилчāн өдлүлдж, производст-

вени төрмүд кўцāлгънд үлмā-
 гъāн өргджүлджāнā. Совхозин
 кōдлмшт өмн нўўрт йовдг ул-
 син тонь олдад йовна. Хōчнр
 А. Цеденов, Т. Эрендженов бо-
 лн нань чиги кесг хōчнр, мал-
 чнр, механизатормуд производ-
 ствени ик диилвр кўццхāv.

Тооцана докладар өргн кўн-
 двр болснд, коммунисттер кōд-
 лмшт бāāх дуту-дундиг шал-
 гъдж келхд оньган тусхацхāv.
 Коммунист үр Матвеев гўўлгā-
 нā кōдлмш ясерулхд партбюрон
 килмдж сулар өггдджāсиг за-
 ав. Промышленн эд-тавр хātār
 ирнā гидж эн келв.

Коммунист үр Сарангов хой-
 рдгч фермин кōдлмшт, энўнā
 коллективд партбюро сулар
 нōкдāн кўргджāv гидж келв.
 Фермин кōдлāчнр дунд кўч-кō-
 лснā диг-даран сул, тосхлт су-
 лар кегддж йовна, мал ўвлзўлх
 бригаде батлгдад уга. болв со-
 вхозин дирекц фермд төрүц

оньган тāvхш. Партбюро ним
 йовдлгч чиклх зōвтā гидж тер
 заав.

Олн-дундин политическ кōд-
 лмш сулар кегдджāхинь ком-
 мунист үр Саижапова шалгъв.
 Лекце умшгдхш, агитатормуд
 сулар кōдлнā гидж келв.

Кўўндврт бас орлццхаси ком-
 мунисттер ўўрмүд Рыбалко, Ад-
 учиев, нань чиги, цаариднь кў-
 цāх төрмүдин тускар келцхāv.
 Совхоз ода чиги ноос, мах, өн-
 дгг государствд орулдж өгх зу-
 рагъан кўцāгъад уга, намрар
 тārāнā газр хагъллгъи сулар
 кегдджāнā, мал ўвлзхд белдл-
 гънд дуту-дунд ик, эрдни-ши-
 шā хуралгън хашнъгар йовна.
 тегād партийн организац эн
 кергт коммунисттерин, цуг кōд-
 лмшчнрин оньг тусхах зōвтā
 гидж теди келцхāv.

Хург шинās сунъгъгдсн парт-
 бюрод цаарандан кўцāх төрмү-
 динь заадж даалгъвр өгв.

Б. МАНДЖИКАЕВ.